



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Caput 1. Appellunt subsidiarii, & sedes in portu Boni-aëris stabilitur.

urn:nbn:de:hbz:466:1-38528

HISTORIÆ
PROVINCIÆ PARAQUARIÆ
SOCIETATIS JESU
LIBER QUARTUS.

TANTIS rebus in Assumptionis urbe perfectis, Didacus Torres secundo Paraquario Argenteoque flumine ad portum Boni-aëris contendit. In quo portu Societatis sedes, abhinc biennio posita, temeritate Joannis Dominguesii nutabat. Is Theologiam Limæ & in Chilensi regno docuerat: sed subinde Boni-aëris domui Præpositus, rerum Indicarum tædio, & parum sedate mentis turbine agitatus, inconsulto Provinciali, tanquam si futuri templi materiem advectum iret, in Brasiliam primum, tum in Hispaniam navigavit. Quòd cùm appulisset, & se stitisset Provinciæ Aragonicæ, in qua Societatem olim amplexatus fuerat, iusfl Claudi Aquavivæ religiosis pœnis pro ratione delicti punitus resipuit, & temerarium factum constanti virtutum exercitio corredit. Id non tacui, ut posteri exemplo sapiant: præterit enim hæc vita, & Historici, pro officio, ut vœte, ita liberè, virtus & virtutes omnium ad carerorum doctrinam propalabunt. Didacus Torres nullum habebat, quem Dominguesio sufficeret, & multa invitabant ad perpetuandam Boni-aëris sedem. Nam fluminis Argentei Prætor, in Ethnico Magellanico freto obversos irrumpens, aliquot captivos nuperimè fecerat; quorum aspectu Provincialis senserat desiderium ferociissimam gentem, necnon Charuas, Iarosios ac alios populos Guaicuræs simillimos, cis & trans fluvium Argenteum longè latèque vagantes, juvandi. Præterea, quotannis ex Africa, magna vis Æthiopum, pro mancipiis distrahendorum, huc advehebatur, quibus animarum subdium, si Societas à portu abeslet, futurum erat nullum. Desiderium incendebant Didacus Martinus Negron, novus Prætor, & ejus decessor Ferdinandus Arias, viri integritati, continuationem sedis multis rationibus exigentes. In his rebus dum sunt, Joannes Romerus Provinciæ Procurator, & novemdecim subsidiarii Socii, partim Sacerdotes, partim laici, ex Europâ in portum innecti, multiplici gaudio Provinciali & utrumque Prætorem exhilaravere; eò maximè latos, quod temporaria Boni-aëris sedes jus perpetuitatis, Joanne Romero in Præpositum constituto, consequi potuerit. Altera latandi causa fuit recentissimum Regis Catholici diploma, quo jubebantur Sacerdotes de Societate in amplissimis Provinciis Ethnicorum conversioni adhiberi, & Regiis sumptibus ali. Nec infima gaudii pars erat, tot Socios ex plerisque Hispaniæ Provinciis selectissimos intueti: inter quos futuris temporibus eminuerunt Didacus Boroa & Simon Oxeda, Paraquariae Provinciales; Christophorus Torres Theologiæ magisterio, Barbaris expeditiōibus, ac gubernandi arte diu conspicuus; Martinus Urtasum, Divo Xaverio sanguine propinquus; Joannes Albis, post divisam Provinciam Chileni regni Vice-provincialis; Baltazar Senia & Sotomajor, hic spreta nobilitatis titulis, ille innocentia vita illustris; Joannes Humanes ab Alfonso Rodrigues in Majorica, dum simul viverent, inter Cœlo prædestinatos conspectus; Antonius Moranta nostri Hieronymi Natalis nepos, & alterius Moranta apud Mexicanos pro Religione occisi germanus frater, & alii præstantes viri. Nullus nisi Hispanus hæc vice venit, cùm tamen aliarum nationum homines Didacus Torres exquisitissimis litteris expetivisset: usu enim compenerat, tale genus hominum novalibus Indorum proscindendis aptissimos esse. Postquam ab diurnâ navigatione utcumque recreati sunt, Socii in vectores,

N

nautas,

CAPUT

I.
Appellunt
subsidiarii,
& sedes in
porto Boni-
aëris stabili-
litar.

Joannis Do-
minguesii
temerarium
factum.

Punitientia.

Socii appel-
lant.

Regis Catho-
lici liberali-
tatas.

Sociorum
selectus.

Eorumdem
labores.

*Charnie
peizantur.*

*Aethiopes
euerantur.*

CAPUT
II.
Societas
Sanctæ Fidei
urbem
fede occu-
pat.

*Hujus urbis
origo.*

*Indigena-
rum mores.*

*Boum mul-
tiplicatio.*

CAPUT
III.
Ignatii Lo-
iole inter
Beatos rela-
ti celebritas
& miracula

nautas, cives, Peruanos Chilenosque advenas, necnon variatum linguarum Indos, operas distractere. Nullus repertus, qui magni Jubilæi leges ab Romero promulgatas non adimplerit; nullus ex tot hominibus, qui conscientias suas apud Sacerdotes nostros non posuerit. Interfecto tempore, ex Magellanis, Chatuis, & hujusmodi feritatis monstris, delectu habitu, Baptisma, solemini pompâ, astante Prætore ac urbis Primoribus, collatum est. Cæteri vero dilati, vario numero, sequentibus annis Christo nomen, Societatis operâ, dedere. Sed Aethiopum ut numerus major, & indoles melior, sic cura intensior; quorum etiam corpora pædore ac peste plerumque corrupta curabantur. Nec is labor transitorius est, sed singulis annis, non sine magno Ecclesiæ lucro, celebrantur hæ animarum & Apostolicorum laborum nundinæ, eò Societati utiliores, quò talium mercium rari sunt appetitores. Profecto si numerum Aethiopum, in hoc portu ab Societatis hominibus baptizatorum, ad calculum reducas, laudabis Divini Numinis clementiam, miserrimæ gentis corpora vexari permittentis, ut quam plurima millia in filiorum suorum sortem admittat.

SUB idem tempus, Ferdinando Ariâ Paraquariæ Exprætore admittente, Provincialis missu, Franciscus à Valle in urbem Sanctæ Fidei, octoginta leucis adverso Argenteo flumine ab portu Boni-aëris distanter, Societatis coloniam deduxit. Hanc urbem, paulò antequam Portus Boni-aëris restauraretur, Joannes Gataeus ad Quiloas amnis, in flumen Argenteum sese exonerantis, ripam ideo ædificaverat, ut adventantibus ex Europa navibus subsidio esse posset. In novos colonos non semel insurrexere Barbari, frustratis semper conatus, Deo & Divo Hieronymo, cui urbs consecrata est, Hispanorum consilia promoventibus. Indigenæ hoc olim in moribus habebant singulare, quod foeminae luteo colore corpora sua non antè discriminare licitum esset, quam carnem humanam gustassent. Si corpora bello capta decesserint, puellis nondum piëtis frusta cadaverum popularium suorum devotanda præbebantur. In parentum sepulchris arbores plantabant, struthionumque plumis ornabant; ad quas ploraturi per certa temporum intervalla concurrebant. Ante Hispanorum adventum punctione venationeque se sustentabant; sed deinde adeò se boum greges multiplicavere, ut non tantum indigenis alendis, verum etiam aliquosque ditandis Hispanis sufficerent. Constat ab anno hujus saeculi undecimo usque ad trigesimum-primum, è campus Sanctæ Fidei urbi subjectis decies centena boum millia in Peruviam magno proventu abacta fuisse. Præter hæc, urbs Sanctæ Fidei nulla in re memorabilis erat, nisi Barbariem ad Christum adducendi spe: nam quæ Paraquarium respicit, Calchaquina vallis altera centum fermè leucis ad flumen Argenteum protenditur, immanissimorum mortalium receptaculum: nec longè aberant alii Barbari Societatis laboribus destinati. Sede positâ Franciscus à Valle, vir impiger, diu noctuque in Hispanos, Aethiopes ac Indos, ita operam dispensavit, ut dæmonis & sycophantarum odium acerrimè, uti suo loco tradam, protitarit. In templo nostro condendo Ferdinandus Arias Exprætor, & ejus filia, virginis nobilissimæ, terram humeris bajulavere. Quo facto, meo iudicio, ille majorem gloriam indeptus est, quam cum amplissimæ Provinciæ tribus vicibus pro Rege præfecturam magna cum laude gessit.

SED super has res longè solidius exhilaravit omnes nuntium ab Joanne Romeo allatum, de Ignatio per Paulum Quintum Pontificem inter Beatos relato: & crevit Societatis authoritas spectatione ludorum in portu Boni-aëris, in ejus apotheosi solemniter institutorum: quos celebres fecere majorum minorumque tormentorum iterata explosio, duorum Prætorum cum frequenti nobilitate equestris pugna, nautarum ingenium ex navium velis extempore templum amplè erigentium ornantiumque, & sexcenta alia lætitiae singularis ostamenta, quæ ad imitationem traxere latissimæ Provinciæ loca omnia, Gloriosi Patris Sanctitatem, non minus ex recentibus propinquisque miraculis, quam ex filiorum laboribus virtutibusque æstmantia. Urbs Sancti Michaëlis apud Tucumanos per quadraginta con-

tinuos